

آبونه شرائطی

ممالك عثمانیه ده سنه لکی (۶۵۱)، الق
آبونه ۱۳۴۱، غروشدور .

ممالك استعبدیه ده سنه لکی (۱۷۱)، الق
آیلخی (۹) فرانقدر .

اداره خانه

باب عالی جاده سنده دائره مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه بن یازیلر اعاده
اولونماز .



۱۳۳۰

اضطارات

رساله خردن آلمدیغی کو - ترمک شرطیه
بتون یازیلر هر هانکی بر خزنه طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومردن محترمی
بولونمسی لازمدور .

§

ممالك اجمیهه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوئدرلدیکی ز، ان نه یه د ژ اولدیغنک
واضعا بیلدیرلمسی دجا اولنور .

مع مافیه نجیب اولان بر قومه — ولو که منتسب اولسون — انتساب هر حالده موجب فخر ايسهده ، بن بوقومه منسوب دی به اقوام سائر اسلامیه بی تحقیر دخی عادیلکدن باشقه برشی اولمديغندن بوعادیلکی یانلر اوله نجیب بر قومه منسوبیت ادعا ایدرلر سه او قومك شرفنه بر نقیصه در . اوت، سن اکر بولندیك قومك نجابتی اعلان ، تمامی ترقیسی ایسته یور ايسهك، او قومك شرف و نجابتی محل بر حرکتده ، ترقیسی منع ایدهك تفرقه ده بولمه که او قوم دخی سنك ایله افتخار ایتسون . بو کنجلك ناشر افکاری اولوب کچلرده انتشار ایدن النهضه غزته سنك بر باش مقاله سنده «جامعه ترکیه» دی به بر مقاله مندرج و بومقاله ده دخی ترکلك اناطولیده ، قفقاسیه ، بخارا ، خیوه و ترکستان کیرده کی ترکلر اده سنده بر جامعه تشکیله صرف مساعی ایتدکلی و بونی عرب سیاسته مغایر کوردیکی ایچون اوکا مقابل اولمق اوزره بر برستان ، یمن ، سوریه و عراق ده بر عرب جامعه سی تشکیله چالیشلمسی لازم کلدیکی بر فکر سیاست فروشانه ایله بیان ایدیور .

بز بوراده حقدن بشقه هیچ بر شیئه تابع اولیه رق سویله رزکه : ترکلر ساده قافقاسیا ، بخارا ، خیوه و قریمه بر ترکك جامعه سی تشکیلی ایچون دکل ؛ عینی زمانده هندده ، افغانستانده ، چینده ، افریقاده ، ایرانده بر جامعه اسلامیه تشکیله حصر مساعی ایتش بولنیورلر که بونی ده وقایع حالیه بی تعقیب ایدنلر ، غزته لرده او قویانلر البتده بیلر و تقدیر ایدرلر . کچن سنه فاسدن فرانسزلر طرفندن اتحاد اسلام ایچون چالیشدقلى بهانه سیله اخراج اولنان ترك ضابطلری دکل ایدی ؟ شو حالده ترکلك بو حرکتی نه دن فنا اولیور ؟ هم ترکلر ، هم عربلر عینی مقصدله عینی خط حرکتی تعقیب ایتسه لر می ده اای اولور ؛ یوقسه بر برینه دشمن ایکی غروب حالنده بولنسه لر می ؟ بوجهتی تقدیر ایتیهك بر صاحب عقل بولنه بیلر می ؟ .

سیاست

اجمال سیاسی

حکومت عثمانیه کوز آچق ، کندیسنی طویلامق فرصتی ویرمه مه یه روسیه نك عزم ایتش اولدینی آرتق بتون وضوحی ایله تین ایتمه کده در . صوك هفتة اثناسنده وقوع بولان بتون حادثات پی در پی شو حقیقتی اثبات ایتدی . کورینیور که بزم بالقان حکومتلری ایله برر برر عقد صلح ایدرک محاربه فجیعه نك نتایج الیه سنی حیثیت و منافع ملیه مزى محافظه صورتنده تسویه ایتمه مز ، بالاخره کندی داخلی ایشلریمزه توجیه فعالیت ایلرک اصلاحات قطعیه ایله مملکتک جریحه لرینی التیامه قالدشمه مز ، روسیه نك ایشنه کلپور ، قومشومز دائماً بزى بر بارداق صو ایچنده بوغولور بر حالده کورمك ایسته یور . بزى ابدیاً غوائل ومشکلات ایچنده بولندی ره رق ، سربستی حرکاتمزی تحدید ایدرک داخلی اصلاحاتله اوغراشمیه وقت بولما مزی آرزو ایدیور .

فیل کندی یاوروسنی انساندن زیاده سوه . آکا ال بیله طوقوندورمز . قوجه بر فیلک آرقه سنده و یاخود درت آياغی آلتنده و یاننده بولسان یاخود یورویان کوچوک بر فیل کورمك قدر ظریف بر منظره اولماز . کوچوکنی بیقار ، اوقشار ، یدرر ، امزیرر .

فیل صوك درجه خیالی و محجوب بر حیواندر . کیجه وقتی صوده نه رده . بر برلرله چیفتلشیرلر . کوندوز و هرکسک کوزی اوکنده سائر حیوانلر کی چیفتلشیرلر . فیل شقای ، مزاحی ده سوه . فقط مزاحك آشوری درجه ده ، ادب و تربیه خارجنده اولماسنی آرزو ایدر . عکس تقدیرده کندیسنه قارشو استهزا و تحقیر ایدنلره شدتله معامله ایدر .

فیله دائر بر جوق حکایات و روایات واردر که ، جمله سنی بورایه درج ایدهك اولسم باشلیجه بر کتاب اولور .

فیلک مسایینی :

فیل سائر حیوانلردن زیاده حساسدر . فیلک بوتون حسی ، طویغوسی قوه لامسه سنده در . فیلک قوه لامسه سنك یکانه آتی ده خورطومیدر . اک آغیر شیلردن طوتوب ، ایکنه یه وارنجیه قدر خورطومیه قالدیرر . خورطومیه یکی آغزینه قور .

آغا جلری کوکندن خورطومیه قویارر . سلاحی ، آلتی ، هرشیی خورطومیدر . فیل قدر وفای بر حیوان اولماز . کندیسنه اوفاجق برشی — یمش و سائر — ویرن بر آدمی دائماً طایر و آکا تصادف ایدنجه حسیات منتدارانه سنی بیان ایتک ایچون الدن کئی یاپار .

فیلک قیمتی بوراده یوز لیرادن بیک لیرایه قدردر .

سیلان آطه سنك قولومبو قصبه سندن : س . م . توفیق

مَطْبُوعَات

قومیت تفرقه سی

بغدادده منتشر « الزهور » غزته سی « ترک ، عرب » عنوانی آلتنده یازدینی بر باش مقاله سنده وحدت اسلامیه بی اخلاص ایده بیلهك بر ماهیتده جریان ایدن تورکلك و عربلق جریانلرینی شدتلی بر صورتده تنقید ایدیور . بعض تورک محررلری طرفندن یک دیگرینه ضد اولمادینی ادعا ایدیلن بوا یکی جریانک اوتدنبری قارده ش ، اوتدنبری یک دیگرینه ظهیر اوله رق کلن و بوتون مقدراته برابر قاتلانان بو ایکی اسلام عنصری آراسنده مدهش بر اوچوروم پیدا اولمغه باشلادیغنی ایلرو سوریور . تاریخک ایکی ایکیز قارداش کی قید ایتدیکی بوا یکی قومك هیچ بر سبب جدی اولمادینی حالده یالکیز بعض منفعت پرستلرک قورمش اولدقنری قومیت طوزاغنه دوشمکدن منع نفس ایده مدیکنه تأسفلر ایدیور . تورکلك جریاتی اداره ایدنلر حقدنه هیچ برشی دیمه یور ايسه ده ، عراق طرفلرنده عربلق جریانی باشنده بولنانلرک هنوز کندیلرینی اداره دن عاجز بر قاج مکتب چوجفتدن عبارت اولدینی سویله یور . مقدرات ملتک بویه هنوز عقلی باشنه کلامش چوجقلر النده او یونجاق اولسنه ، بوکا مساعده ایدلسنه حیرتلا ایدیور . ونهایت مقاله سنه دوام ایله دیور که : « بولنر عربلق ادعا ایتدکلی حالده هیچ بریسی مع التأسف نسل عربیه انتسابی قطعاً اثبات ایده مزلر .

بالقان محاربه سنك نتایجی روسیه نك آرزو ابتدیی وجهله اولسیدی،
بو حكومت ذاتاً مقصدینه وارمش اولاجقدی، بناءً علیه باشقه تشبثاته
مراجعت ایتك لزومنی حس ایتزدی . صوك هفتة اثنا سنده پارس غزته لرنده
بالقان حكومتلرینك صورت اتفاقی، محاربه بی حاضر لادیقلى حقنده وقوع
بولمش اولان رسمی و نأقه مستند افشاآت، كرك اتفاقك، كرك محاربه نك
روسیه طرفندن حاضر لائش اولدیغنه آرتق هیچ بر شبهه بر اقیبور .
بو حكومتك اصل مقصدی، بزی بالقانلیر طرفندن از دیرتهرك بالاخره
آغیر شرائط صلحیه، آلتندن چقیلماز تضمینات حربیه ایله ابدیاً ضعف
ونا توانییه سوق ایتكدی . فقط وقوعاتك آلمش اولدیغی جریان، بو
مقصدك تماماً تأمیننه ممانعت ایله دی . بالقان اتفاقك بوزولمه سی،
ادرنه نك عثمانلی لر طرفندن استردادی، عثمانلی لك بو مناسبتله ابراز
ائش اولدیغی اثر حیات، بلغارلرك بزه یاناشماسی، دیگر بالقان
دولترلرینك ده بالنسبه خفیف شرائط اوزره، تضمیناتسز عقد
صلحه مجبور اولملری... روسیه بی سقوط خیاله اوغر ائدی . روسیه ده
باشقه جریانلر باشلادی . شو جریانلرك ماهیتی كرك روس دوماسنده
ایراد ایدیلن نطقلردن، كرك روس مطبوعاتك لسانندن او كونه
بیلرز . روس محافل سیاسیه سی عثمانلیرك شو صوك فلا كتلردن عبرت
آلهرق عظیم برهیجانله تعمیر ملك واحیای ملتة قالقشه جقلرینه، آز
برزمان ایچنده آناتولیك كسب حیات ایدرهرك قوت بولاجغنه قناعت
حاصل ایتشدر . بوا یسه روسیه ایچون برتهلكه عد ایدیلور . زیر
روسیه ده الیوم زنجیر اسارت آلتنده ایكله یین اوتوز میلونه قریب،
كندیخی آكلار، منافعی دوشونه بیایر، عثمانلوفه دین وقان رابطه لری
ایله باغلو بر عنصر واردر . عثمانلوفك یكی دن كسب قوت ایتیه سی،
كویا بو عنصر بر طاقم امیدلر بخش ایددجكمش، کویا شو امیدلر سایه
سند روسیه داخلی تهلكیه معروض قالا جقمش ! ایشته شو احتمالاته
میدان ویرمه مك ایچون روسیه بر طرفدن بزی، دیگر طرفندن ده كندی
تابعیتنده بولنان مسلمانلری ازمیه قرار ویرمشدر . روسیه دن وارد
اولان صوك اسلام غزته لرینك كافه سی روس حكومتی طرفندن اسلاملرك
تضییق ایچون دوشونیلن وسائط حقنده اوزون اوزون معلومات
ویریورلر . بو معلوماتدن آكلاشیلیوركه روس حكومتی اسلام مکتب لرینی،
مدرسه لرینی، مطبوعاتنی قالدیرمق ایچون لندن كلنی یایمقدن كری
طور مایه جقدر . عثمانلو توركجه سنی، عرب وفارسی لسانلرینی منع ایلیه .
جكدر، اسلاملرك عثمانلوفله علاقه مادیه لرینی، كیدوب كلیش لرینی ده
مكن درجه ده كسه جكدر .
روسیه حكومتی داخلأ شو کی وسائطه مراجعت ایدركن خارجاً
بزی ازمك ایچون دیگر وسائطه ده مراجعت ایدیور . بو وسائطدن
برییی ده اولکی اجمالریمزده ده اشارت ایتدیكمز اصلاحات مسئله سی در .
روس باش وکیلی قوقوفجه نك شو مسئله اطرافنده اوروپایی طولاشدیغی ده
معلومدر . شمدی آكلاشیلیوركه مشارالیهك اصلاحات حقنده دوشوندیکی
تدابیر شونلردن عبارتدر :

(۱) ولایات شرقیه ایچون آوروپا دولتلری طرفندن بر مفتش
عمومی معاونی تعیین ایدیله جكدر . هر نقدر مفتش عمومی دولت علیه
طرفندن اختیار و تعیین ایدیله جكسه ده معاونی آوروپایی اولوب آوروپا
طرفندن انتخاب ونصب اولنه جقدر، شو ذات اك واسع صلاحیته مالك
اولاجقدر . آنك تصویب ایتیه دیکی هیچ برشی اجرا ایدیله میه جكدر .
آنكه مفتش عمومی آراسنده اختلاف وقوع بولدیغی حالده حل مسئله
ایچون باب عالی یه مراجعت ایدیله جكدر . فقط باب عالی ده اعطای رأیده
مستقل دكدر . اولجه در سعادتده مقیم دول معظمه سفراسی ایله استشاره
ایدیله جكدر .

(ثانیاً) بتون ولایات شرقیه ایچون بر مجلس عمومی ترتیب
ایدیله جكدر . بتون یایله جق اصلاحات شو مجلسدن كچه جكدر . مجلسه کی
اعضانك ولایاتده استعمال ایدیله جك بتون مأمورین کی یاریسی خرسیتیان،
یاریسی ده اسلام اولاجقدر .

شمدی شو اصلاحات پروژه سی مطالعه و تدقیق ایدیلسین ! مقصد
نه اولدیغی تماماً تعین ایدر . بر كره پروژه استقلال و حاکمیت اساسنه
غیر قابل تحمل برضربه ایندیریور . آوروپا طرفندن مفتش عمومی
معاونی عنوانی ایله انتخاب ونصب ایدیلن و بش سنه مدت اثنا سنده
لاین عزل اولان ذات حقیقت حالده حاکم مطلق صفتنی حاز اولاجقدر .
بو آدمه قارشى نه مفتش عمومی، نه ده باب عالی برشی یایمق حقنه مالك
اولیه جقدر . ایسته دیکی یایه جقدر، یا خود ایسته مدیكی یایدیریمیه جقدر .
حرکات کیف مایشاسنه قارشى یكانه مرجع سفرا هیئتی اولاجقدر . سفرا هیئتی
ایسه البته كه بر طرفدن كندیلرنجه انتخاب ونصب ایدلمش اولان آدمی
طوته جقلردر، دیگر طرفندن ده اعطای رأی ایدركن مملكتك و دولتك
منافعندن زیاده كندی منفعتلرینی دوشونه جكلردر . خلاصه معاون آوروپا
مداخلانی، بعض دولتلرك انترقه لری، امانك ترویجی ایچون اك كسکین
بر آلت اولاجقدر .

صوكره مجلس عمومینك صورت تشككنه باقیكز ! ولایات شرقیه ده
خرستیانلرك عددی اسلاملرك عددینه نسبتاً یوزده یكرمی آلتینی بیله
تشکیل ایتبور . مع مافیه پروژه دییوركه : مجلس اعضاسنك یاریسی اسلام،
یاریسی ده خرسیتیان اولاجقدر . بوا یسه ینه انترقه، حیل، مداخله
ایچون ترتیب ایدلمش بر آلتدر . زیرا بدیهی دركه اسلام عنصری
حقارینك بویله اك بارز بر صورتده چيكنمه لرندن خوشنود اولیه جقدر .
بو مناسبتله خرسیتیان عنصرینه قارشى برحس اغبرار و كدر طویا جقلردر،
معاون ایسه البته كه دائماً خرسیتیان عنصرینه استناد ایدیله جكدر . ایشته
بو مناسبتله ابدی و دائمی بر باب منازعه، اغتشاش آچیله جقدر .
ذاتاً مقصده اصلاحات دكل، ولایات شرقیه اهالیسی ایچنده بو کی
اغتشاشاته، منازعه لره قابو آچهرق مداخلاته وسیله و بهانه بولمقدر .

ایشته حقوق بشریه مزه، شان و حیثیت مزه، منافع حیاتی مزه تجاوزدن
باشقه برشی اولمیان بو پروژه نك حكومت عثمانیه جه بو صورتده قبول
ایدیله جکی بدیهی در . دولت عثمانیه اك واسع اصلاحاتك بلا تأخیر

شیون

حجاز :

ادای حج شریف . — مکه مکرمه دن یازیلور : حج شریف کال صحت وعافیتله ادا ایدیلدی . حاج کرامک سنن سابقه نظر اکثریتله برابر هیچ بر شهبلی بولاشیق خستلق کوردوغدی . حکومت طرفندن ابراز اولنان تقیدات صحیه ده حقیقتاً شایان شکران برصورتده جریان ایتدی . قاریشیق ، ازدحاملی یرلر صیق ، متادی برتفتیش ودقت آلتنده بولندیریلدی . شرائط موجوده داخلنده اجراسی قابل بوتون تدابیر فیه تطبیق ایدیلدی .

مربنده اسلام دارالفنونی — مدینه منوره دن اشعار اولونیور : سنه جدیده مناسبتله بوگون بالجله اعیان و اشراف عظام و قبائل عربان رؤسالیله مجاورین کرام اسرای ملکیه وعسکریه اوکلرنده شیخ الحرم حضرت نبوی ومحافظ وقوماندان بلده موجود اولدقلری حالدده مسجد رایه قرینده داودیه موقعنده موسیقه ناک ترنمی ، و علمای کرامک خطب بلیغیسی ، اهالیکن آلفیشلری آرمه سنده نام نامی حضرت پادشاهی به تیابه دارالفنونک وضع اساس طاشی استاد محترم شیخ عبدالعزیز چاویش حضرتلری طرفندن احتفالات فوق العاده ایله قولش ودعوات مفروضه خلافتناهی برآورده زبان تلاوت قلنه رق مراسم احتفالیه نه نهایت ویرلمشدر . قافقاسیه :

اسلاملرک جبراً تنصیر ایتدیریلدی . — (باکو) ده انتشار ایدن تورکجه « اقبال » غزه سنده (علی قولی شجفوف) نامنده برذات (صخوم) ده ۲۴ اسلام قریه سی اهالیسنک جبراً تنصیر ایتدیریلکده اولدینی حقنده آئیده کی معلومات فجیعه یی نشر ایتمشدر :

« بز ماوراء قفقاسیه قطعه سنک (کوتایس) ولایتی (صخوم) سنجاغنده ساکن (آنجاز) نام قبیله سندنر . (آنجاز) اسلاملرینک ۲۴ قریه سی میسیونرلر معرفتیه نفوس دفتیره خرسیتیان اوله رق قید ایدلمشدر . میسیونرلر بوقیددن بالاستفاده بز جبراً خرسیتیان یایغه غیرت ایدیورلر . اهالی ایسه صلابت دینه صاحی اولدقلرندن خرسیتیان اولق تکلیفنه قارشى شدتله مخالفت ایدیورلر . فقط میسیونرلر بز اغفال وتضییق ایله خرسیتیان ایدمه به جکلیری آکلادقلرندن شمدی تهیداته قیام ایله دیلرواخیراً بز جیم ایدوب « هر حالده خرسیتیان اولمیسکر ، یوقسه سزه زراعت ایچون برقاریش طورراق ویریله به جکدر . » دیه تهیداته بولوندیلر . کچن عید فطرده صلات عیدی ادادن بزى علناً منع ایتدیلر . میسیونرلر (آنجاز) اماملرندن ، بوندن صوکره اهالی به جماعت ایله نماز قیلدیرما به جکلرینه واسلام میتلرین جنازه نمازی اوقویه رق دفن آئمه به جکلرینه دائر امضا اکلشدر . ایشته بز (آنجاز) اسلاملری غایت مشکل وفجیع بره وقعه بولونیور . جناب حقدن بشقه یاردیجی مز یوق . حالزی مفتی الاسلامه عرض ایچون (قفلیسه) برهیئت مرخصه کوندرمش ایدک . مقصدیمز مفتی افندینک وساطتیه حالزی قفقاسیه والی عمومیسنه بیلدیرمک ایدی .

مفتی ایسه هیئتمزی ، « عجله آئمه یکنر ، ان شاء الله ایشکزد دوزه لیر » دیهرک قوری سوز ایله کیری دوندرمشدر . اسلاملری هر خصوصده محافظه ومدافعه آئمه سی لازم اولان رؤسای شرعیه مز دینرک محافظه سی خصوصنده بیله لازم کلن سعی وغیرته بولونایورلر .

شمال اسلام مطبوعاتی بوحوادثی نقل ایتدکدن صوکره صخومده کی اسلاملرک جبراً تنصیر ایتدیریله سنک اسباب حقیقه سی حقنده معلومات آئیه یی علاوه ایدیور : « (قران) ده «سوه تای غوری» نامنده برروس میسیونر جمعیتی واردر . بو جمعیتک ارکانی اسلاملری تنصیر ایتدیرمک ایچون پک چوق غیرت ایتکده در . مذکور جمعیتک رئیس ، نام مستعار روحانیسی «پسقوط آندری» اولان بریس (اوختومسکی) بوندن اوچ سنه اولنه قدر (قران) و (مهادش) اسلاملری تنصیر ایتدیرمک ایچون پک چوق تعذیب ایله مش ایدی . صوکره درجه ده فعال اولان برنس (اوختومسکی) آچیق کوز اولان قران اسلاملرینه قارشى احراز موقیات ایدمه به جکلی آکلادیقندن اوچ سنه مقدم صخوم سنجاغی یسقه پوسلغه نقل ایلش ایدی . (آنجاز) اسلاملرینک شکایتنه باقیلیرایسه برنس (اوختومسکی) نک وقتیه قران ومهادشده کوستردیکی فعالیتی شمدی صخومده ابراز ایتکده اولدینی آکلایلمقده در . »

یایلمه سی طرفداریدر . بونک ایچون اروپادن متخصصلر جلب ایلک آرزوی صمیمیسی ده بسله یور . فقط ایشته روسیه بر طرفدن جدی اصلاحاتک یایلمه مسنی ایشته یور ، دیگر طرفندن ده شو اصلاحاتی الله طولاشدیره رق آئی بزما ایچون حیات یرینه مماته چویرمک املنده در . بزه شو پروژه یی قبول ایتدیرمک ایچون هر نوع وسیله به مراجعت ایدیور . ازجله الیوم النده اک کسکین آلت اولارق بزه پاره ویردیر . مه مه به چالیشیور . روسیه بز پاره به اشد احتیاجز اولدینی ، پاره سز هیچ برشی یایه مایه جغمزی پک اعلا تقدیر ایتدیک ایچون متفی بولندینی فرانسه یی عثمانلی استقراضی یایمه مه به دعوت ایله یور . صوکره دفعه پارسده « ارمنی حامیلری » نامی آلتنده اجتماع ایدن بین الملل بر قونغرده شو مقصد اوزرینه تشکل ایتمشدر . بو قونغرده هر کسدن زیاده اوک آباق اولان روس رجال دولتدن میلیوقوفدی . قونغرده نک روسیه تحریکی اوزرینه اجتماع ایتش اولدینی ده بو مناسبتله تعین ایدیور . قونغره قبول ایتش اولدینی قرارنامه ده دول معظمه به خطاباً حکومت عثمانیه ولایات شرقیه به عائد اصلاحات پروژه سنی قبول ایتمنجه پاره ویرلمه مسنی ، کومروک رسومنک تزیایدینه موافقت ایدلمه مسنی ، باتنت رسومنک وضعنه مساعدده اولنماسنی توصیه ایلشدر .

ایشته حقمزده الیوم روسیه طرفندن چوریلان انزیه لر ! بز روسیه نک وروسلرک بوکی حرکاتده بولنه لرینه اصلا حیرت وتعجب ایتمیورز . بتون نفرین ولعتی عثمانلو واسلام نامنی طاشیه رق عینی وادیده حرکت ایدن خائنه عائددر . بولردن بریسی — شریف باشا نامنی طاشیان خائن حریف — پارسده نشر ایتدیک « مشروطیت » نام مجموععه سنده آوروبایه خطاب ایدره رک پارس قونغره سنده اجرای حرکت ایدن میلیوقوفلردن ده اشد برسانله حکومت عثمانیه به پاره ویرلمه مسنی توصیه وطاب ایدیور . بوز ذیل خائنه میلیوقوفلرک فرقی بودرکه میلیوقوفلر هیچ اولزسه اصلاحات نامنه ایش کوریورلر . شریف ایسه اسلامیتی آوروبایچون عظیم بر تهله شکل وماهیتنده کوستره رک آوروبایی ایقاظ! ایله یور . بوخائن دیورکه :

« عرب ، تورک ، کورد ، خلاصه بتون عثمانلو اقوام اسلامیه سی رؤسای الیوم غایت واسع « اتحاد اسلام » ترتیباتی قورمق اوزره درلر . بولر بتون آفریقاه ، آسیایه آدملر کوندره رک حسیات وافکار اسلامیه یی تحریک وایقاظ ایتک اوزره درلر . بولر « جمعیت خیریه اسلامیه » آلتنده درسعادته طولای . نسلردر وعن قریب آوروبانک باشنه بلالر آچه جقلردر . عثمانلوته پاره ویرلدیکی کون بو بلالر ، بوقیامتله قویاچقدر . الجزایر ، تونس ، مصر ، هندوستان ، هپ قیام ایدمه جکلردر . انکتره ، فرانسه ، روسیه محو اولاجقلردر . بناء علیه ای فرانسه ، ای انکتره ، ای روسیه متقیظ بولونک ، پاره وبرمه یک ، ویردیرمه یک ، چونکه تحت تهله که ده سکنر . »

ظن ایدلمه سونکه بز اعظام ایدیورز . بالعکس بوخائن حریفک یازمش اولدوقلرینک اوند بریسی بیله ذکر ایتمیورز . ! ایشته ای عثمانلور ، ای عثمانلو عناصر اسلامیه سی ! بافکزد ، اسلامیت ، سلطنت نه مدش هجوملره ، نه فجیع اختلره معروضدر ! احمد اغایف